



Ամսական տեղեկագիր
ՀՈՒՎԱՐ | 2024

Շարունակելով Ռուբենի գործը

Սիրելի բարեկամներ,

Ուրախ ենք ներկայացնել մեր տեղեկագրի առաջին համարը: Այս հրատարակությունը նպատակ ունի տրամադրել ձեզ տեղեկություններ «Մենք ենք մեր սարերը» կազմակերպության ընթացիկ գործունեության և նախագծերի վերաբերյալ:

Ինչպես գիտեք, մեր կազմակերպության հիմնադիր Ռուբեն Վարդանյանը 2023 թվականի սեպտեմբերի 27-ից ապօրինի գերության մեջ է գտնվում Ադրբեջանում: Ցավով, Բաքվի ավտորիտար ռեժիմը վերջերս երկարաձգել է նրա, ինչպես նաև Արցախի Հանրապետության նախկին ղեկավարների կալանքը ևս չորս ամսով:

Չնայած այս դժվարին հանգամանքներին, Ռուբեն Վարդանյանը, հավատարիմ մնալով իր անսասան մարդասիրական սկզբունքներին, պնդել է մեր կազմակերպության բարեգործական գործունեությունը շարունակել Հայաստանում: 2023 թվականի հոկտեմբերից «Մենք ենք մեր սարերը» վերսկսել է իր աջակցությունը Արցախից բռնի տեղահանված ընտանիքներին՝ օգնելով նրանց արժանապատվորեն հարմարվել նոր իրողություններում:

Շարունակելով Ռուբենի բարեգործական նախաձեռնությունը՝ մենք հավատում ենք, որ միավորելով ուժերը կարող ենք օգնել արցախցի մեր հայրենակիցներին ծանր փորձություններից հետո վերականգնվել և կայունանալ:

Թեև մեր ձգտումները հավակնոտ են, մենք վստահ ենք, որ ձեր անմիջական մասնակցությամբ «Մենք ենք մեր սարերը» կշարունակի հաջողությամբ հասնել իր նպատակներին:

Մեր հավատարիմ բարեկամների ու գործընկերների աջակցության և Վարդանյանների ընտանիքի շարունակվող օգնության շնորհիվ մի քանի ամսվա ընթացքում մեզ հաջողվել է կյանքի կոչել հինգ ծրագիր: Այս նախաձեռնությունները դրականորեն են ազդել ավելի քան հազար արցախցիների վրա:

Եկեք շարունակեք միասին սատարել մեր հայրենակիցներին՝ առաջարկելով հույս և օգնություն նրանց կարիքի պահին:



ԹԵՎԵՐ

Դիլիջանում ժամանակավորապես վերաբնակված 13-ամյա Էլինայի մայրը մեզ հետ զրույցում ասաց, որ Արցախից տեղահանվելուց հետո դուստրը հետտորավմատիկ սթրես է ապրել: Դրական փոփոխությունները նկատելի են դարձել, երբ «Թևեր» նախագծի շրջանակներում աղջիկը սկսել է արտ-թերապիայի դասընթացների հաճախել Դիլիջանի համայնքային կենտրոնում: Էլինան սկսել է նկարել ու հաճախակի ժպտալ:



«Թևեր» նորարարական համալիր վերականգնողական ծրագրի պիլոտային փուլը մեկնարկել է 2023 թվականի նոյեմբերին՝ Կրթության խթանման «Դար» բարեգործական հիմնադրամի, ինչպես նաև բարերար Մասիս Առաքելյանի եւ մեր մյուս համախոհների աջակցությամբ և արդեն իսկ հնարավորություն է տվել բացահայտելու ու մեղմելու Դիլիջանում ավելի քան 40 արցախցի երեխաների հոգեբանական խնդիրները:

Կարողալ ավելին



ՆԿԻՐԻ ՏՈՆ

Ամանորին ընդառաջ «Մենք ենք մեր սարերը» թիմն այցելեց Տաթևում ժամանակավոր կացարան գտած Ռայա Մակյանի ընտանիքին: Ընտանիքը շարունակում է մնալ սուր անհանգստության ու անորոշության մեջ, քանի որ անդամներից մեկը գտնվում է Բաքվում գերության մեջ, իսկ մյուսի ճակատագիրը դեռ անհայտ է: Ավնհայտ է, որ նման հուզական ցնցումները զգալիորեն ազդում են երեխաների առօրյա կյանքի վրա, հատկապես արձակուրդային սեզոնին:

«Մենք ենք մեր սարերը» չէր կարող անմասն մնալ և ձեր նվիրատվությունների շնորհիվ տոնական տրամադրությունը սկսեց մի քանի տասնյակ երեխաների՝ կազմակերպելով ամանորյա ներկայացումներ Տաթևում ու Գյումրիում և յուրաքանչյուր երեխայի նվիրելով տոնածառ՝ խաղալիքներով, գրքեր և այլ «ուրախություններ»:



«Կամար» բիզնես կենտրոնի և այլ բարերարների ֆինանսական օգնությամբ մենք աջակցեցինք նաև մեծահասակներին՝ Տաթև համայնքում ապրող բոլոր արցախյան ընտանիքներին նվիրելով անհրաժեշտ կենցաղային տեխնիկայի գնման վկայականներ:

Ծրագրի շահառուների թվում է Արցախի Մարտակերտի շրջանից Անժելա Սահակյանի բազմազավակ ընտանիքը: 2023 թվականի սեպտեմբերի 19-ին, փախչելով ադրբեջանցի ագրեսորներից, ընտանիքը համապլուզացիների հետ պատսպարվել է անտառում և միայն հաջորդ օրը դժվարությամբ հասել Ստեփանակերտ: Մինչ օրս էլ նա կատարվածի մասին հիշում է սարսափով, ինչպես վատ երագ:

Կարողալ ավելին



ԱՋԱԿՑՈՒԹՅՈՒՆ ԱՐՑԱՒԻ ՎԱՐՊԵՏՆԵՐԻՆ

Ի աջակցություն արցախցիների աշխատանքային գործունեության՝ «Մենք ենք մեր սարերը» նախաձեռնել է նոր արհեստների և մասնագիտությունների վերապատրաստման ծրագիր: Ծրագրով՝ նախատեսված է նաև մասնագիտական աշխատանքային գործիքներ տրամադրել վարպետներին Հայաստանում իրենց աշխատանքային գործունեությունը վերսկսելու համար:

Մեր գործընկերների «Գալուստ Գյուլբենկյան» հիմնադրամի, «Սուրբ Սարգիս բարեգործական հիմնադրամի» և Մատիան Գևորգյանի և Մասիս Առաքելյանի նվիրատվության շնորհիվ արդեն իսկ աջակցություն է ցուցաբերվել ավելի քան 60 արցախցի արհեստավորների, որոնցից շատերը սկսել են իրենց աշխատանքային գործունեությունը:

Հարսանիքից մի քանի օր առաջ հմայիչ Մանուշ (յուսանկարում աջից 4-րդը) մասնակցել է երիտասարդ հրուշակագործների դասընթացին, որի ավարտին նաև աշխատանքի առաջարկ է ստացել: Այս լավ հարսանքին նվեր էր հարուստուհի համար:

Կարողալ ավելին



ԱՌԱՋՆՈՐԴՆԵՐԸ՝ ԱՌԱՋՆՈՐԴՆԵՐԻՆ

«Առաջնորդները՝ առաջնորդներին»-ը Արցախից բռնի տեղահանվածների համար իրականացվող շարունակական զարգացման տրանսֆորմացիոն ծրագիր է՝ կառուցված հավասարության սկզբունքով:

Ծրագրի իրականացումը հնարավոր է դարձել «Մենք ենք մեր սարերը» կազմակերպության, «Մատենա» առաջնորդական և մասնագիտական զարգացման միջազգային դպրոցի փորձագետների ու շրջանավարտների համատեղ ջանքերով: Հարվարդի և Օքսֆորդի նման կրթական հաստատությունների հայ շրջանավարտները առանցքային դեր են խաղացել այս նախաձեռնության իրականացման գործում:

Կարողալ ավելին

Մամուլի հրապարակումներ Ռուբեն Վարդանյանի գործունեության մասին

- Ռուբենի մասին հետաքրքիր հոդված **«Հրապարակ»**-ում. *«Նա միշտ ասում էր, որ կյանքի մյուս կողմը մահը չէ, այլ անտարբերությունը. ես երբեք չեմ հանդիպել մի մարդու, ով այդքան շատ տվել է ու ոչինչ չի վերցրել»:*
- **Հարցազրույց** փաստաբան Սիրանուշ Սահակյանի հետ (եռալեզու) Ռուբենի և արցախցի այլ գործիչների կալանքի ժամկետը երկարացնելու վերաբերյալ.

ՄԵՐ ՄԱՍԻՆ

«Մենք ենք մեր սարերը» կազմակերպությունը մարդասիրական օգնության և զարգացման ծրագրեր է իրականացնում արցախցի մեր հայրենակիցների համար: Ռուբեն Վարդանյանի և նրա գործընկերների կողմից հիմնադրված գործակալությունը ձգտում է հասնել շրջափելի արդյունքների՝ հավատարիմ մնալով մարդասիրության և փոխադարձ հարգանքի սկզբունքներին:

Մեր խորին երախտագիտություն ենք հայտնում մեկնասներ Արմեն Դավիթյանին, Շանթ Մարտիրոսյանին, Սերգեյ Գրիչենկոյին, «Լիգա Ինչուրանս» ընկերությանը, Christian Solidarity International-ին և բոլոր նրանց, ովքեր այս դժվարին պահին շարունակում են աջակցել «Մենք ենք մեր սարերը» գործակալության գործունեությանը:

Լրացուցիչ տեղեկությունների համար խնդրում ենք դիմել

info@ourmountains.am